

**CONVOCATORIA DE BOLSAS IBEROAMÉRICA.
SANTANDER INVESTIGACIÓN****CURSO 2019-20**

De conformidade co convenio asinado entre o Banco de Santander e a Universidade da Coruña e coas bases xerais do programa "BOLSAS IBEROAMÉRICA. SANTANDER INVESTIGACIÓN", publícase a convocatoria de **2** bolsas para o curso **2019-20** para reforzar a mobilidade e o intercambio de profesores e investigadores mozos e alumnado de doutoramento entre universidades e centros de investigación iberoamericanos, condición necesaria para avanzar cara á construción dun espazo iberoamericano do coñecemento socialmente responsable.

I. NÚMERO DE BOLSAS E OBXECTO DESTAS

1. Convócanse **2** bolsas con cargo ás partidas orzamentarias 0800470114 422D 48000 e 0800470114 422D 48100. Concederase unha bolsa a un membro do PDI e outra a un/unha estudante de doutoramento. No caso de que non haxa candidatos nun dos sectores, as dúas bolsas poderánselles concederse a solicitantes do mesmo sector.
2. Cada bolsa ascende a unha cantidade de **5000 €**.
3. As bolsas destinaranse a sufragar os custos de desprazamento, seguro, manutención e aloxamento.

II. REQUISITOS E INCOMPATIBILIDADES**A) REQUISITOS:**

Será requisito imprescindible, para permitir a participación dos candidatos nos procesos de selección de beneficiarios, a súa inscrición previa en liña no programa de Bolsas do Banco de Santander a través da ligazón na páxina web www.becas-santander.com.

– *Para estudantes de doutoramento:*

- Estar matriculado en estudos de doutoramento na Universidade da Coruña tanto no curso 2018-19 como no curso **2019-20**, momento de realización da estadía no estranxeiro.
- A persoa que dirixa a súa tese de doutoramento debe estar inscrita no Catálogo de Investigación da UDC e presentarse á avaliación pola ANEP no período 2015–2018, ben de xeito individual ou como membro dun grupo de investigación ou unidade que se presentase á avaliación no antedito período.

– *Para PDI:*

- Ter a condición de PDI con vinculación funcionaria ou contractual coa UDC, tanto no momento da solicitude como no período en que se desenvolverá a estadía de investigación no estranxeiro.
- Debe figurar no Catálogo de Investigación da UDC.
Debe terse presentado á avaliación pola ANEP no período 2015–2018, ben de xeito individual ou como membro dun grupo de investigación ou unidade que se presentase á avaliación no antedito período.

- Ter preferiblemente menos de 35 anos.
- Non ser beneficiario dunha bolsa Santander de mobilidade a un país iberoamericano en convocatorias anteriores.
- Ter unha carta de invitación do centro de destino iberoamericano en que se especifiquen as datas previstas da estadía en destino.

III. INSTITUCIÓNS DE DESTINO

1. Os destinos serán **centros de investigación ou universidades iberoamericanas distintas ás do país de orixe e de Portugal**.

IV. PASOS QUE HAI QUE SEGUIR PARA PRESENTAR UNHA SOLICITUDE

A) INSCRIPCIÓN EN LIÑA E FORMALIZACIÓN POR ESCRITO DAS SOLICITUDES:

1. O PDI ou estudante de doutoramento que decida presentar unha solicitude **deberá formalizar con anterioridade a súa inscrición previa en liña** no programa de Bolsas do Banco de Santander a través da ligazón da páxina web www.becas-santander.com.
2. A inscrición en liña no programa de Bolsas do Banco de Santander por si soa non constitúe a presentación da solicitude. As persoas candidatas que só realicen esta inscrición en liña quedarán excluídas do proceso de selección.
3. Unha vez que realicen a inscrición en liña, os candidatos **deberán presentar unha solicitude por escrito segundo o modelo que se xunta (anexo I)** dirixido á directora da Oficina de Relacións Internacionais. A presentación desta solicitude **é imprescindible** para participar no proceso de selección.

B) DOCUMENTACIÓN ADICIONAL QUE DEBE ACOMPAÑAR A SOLICITUDE:

A solicitude deberá vir acompañada da seguinte documentación:

1. Copia do DNI da persoa candidata
2. Currículo. Deberanse achegar os documentos xustificativos dos méritos especificados no CV, relacionados especialmente co proxecto que se desenvolverá.
3. Proxecto que se desenvolverá, que poderá consistir nun traballo de investigación básica, investigación estratéxica, investigación aplicada, desenvolvemento experimental ou transferencia de coñecemento, incluídas a innovación e as capacidades de asesoramento, supervisión e docencia, xestión dos coñecementos e dereitos de propiedade intelectual e a explotación de resultados de investigación. Non se considerarán válidas as estadias en Iberoamérica que se desenvolvan co único obxectivo de impartir docencia.
4. Carta de invitación do centro de destino
5. Ademais:
 - No caso de PDI*
 - O certificado de antigüidade na UDC expedido polo servizo de PDI, en que se deberá especificar o período de vixencia do contrato nos casos de contratos temporais.

No caso de estudantes de doutoramento

- A copia da matrícula de doutoramento no curso 2018-19

C) LUGAR E PRAZO PARA A PRESENTACIÓN DAS SOLICITUDES

1. As solicitudes presentaranse preferentemente no Rexistro Electrónico da UDC, no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña, provisionalmente na Zapateira (Facultade de Ciencias) ou do campus de Ferrol (Dr. Vázquez Cabrera s/n, Esteiro, 15403 Ferrol). Así mesmo, poderanse presentar por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.
2. Poderanse presentar a partir do día seguinte ao da publicación da convocatoria no Taboleiro Electrónico e na páxina web da ORI e **ata as 14:00 h do día 30 de abril de 2019**.

V. SELECCIÓN DAS PERSOAS BOLSEIRAS E RESOLUCIÓN**A) CRITERIOS DE SELECCIÓN E COMISIÓN DE SELECCIÓN**

1. A selección das persoas bolseiras farase entre as solicitudes presentadas validamente mediante a aplicación dos criterios xerais de capacidade, mérito e obxectividade tendo en conta:
 - a. O currículo da persoa candidata (10 puntos)
 - b. A adecuación do currículo ao proxecto solicitado (20 puntos)
 - c. O proxecto de investigación que se realizará durante a estadia solicitada (40 puntos)

- d. A avaliación ANEP de: (1) a persoa candidata PDI, (2) a que dirixa a tese de doutoramento do/a estudante, (3) o grupo ou unidade de investigación en que estea integrada (30 puntos)
 - e. En caso de empate, primaranse os candidatos que teñan menos de 35 anos.
2. A Comisión encargada da selección estará formada por:
- a vicerreitora de Internacionalización e Cooperación: Pilar García de la Torre
 - a directora da Oficina de Relacións Internacionais: Begoña Crespo García
 - a técnica da Oficina de Relacións Internacionais: Sandra King
 - o adxunto a investigación: Horacio Naveira Fachal

B) RESOLUCIÓN E RECURSOS

1. A resolución definitiva das bolsas publicarase no Taboleiro Electrónico e na páxina web da Oficina de Relacións Internacionais: www.udc.gal/ori, antes do 31/05/2019.
2. Contra a resolución definitiva, a persoa interesada poderá interpoñer un recurso de reposición ante o reitor no prazo dun mes a partir do día seguinte ao da devandita publicación.

VI. A ACEPTACIÓN DA BOLSA E AS SÚAS CONSECUCENCIAS

1. A persoa beneficiaria da bolsa deberá subscribir o **Documento de aceptación** (ANEXO II, que consta de 2 páxinas) e facerllo chegar á ORI preferentemente por correo electrónico a rrii@udc.es, no **prazo máximo de 5 días naturais** a partir da publicación da listaxe definitiva de persoas seleccionadas. Ademais, a persoa beneficiaria deberá aceptar a bolsa no portal www.becas-santander.com.
2. Calquera incumprimento do prazo de aceptación a unha das axudas suporá a anulación automática da adxudicación.
3. A aceptación da bolsa Santander Investigación implica o consentimento das persoas participantes para a cesión dos seus datos persoais ao Banco Santander, S.A. coa finalidade de verificar a participación no Programa e o seu seguimento e a incorporación destes ao ficheiro de usuarios das páxinas web de Internet propiedade de Banco Santander, S.A., que constitúen o Portal de Bolseiros a que se accede actualmente desde Bolsas-Santander (www.becas-santander.com) para a finalidade da xestión e prestación dos servizos propios da bolsa. Neste sentido, o Santander e as universidades participantes, igualmente, comprométese, no necesario, a cumprir o establecido na Lei orgánica 3/2018, do 5 de decembro, de protección de datos persoais e garantía dos dereitos dixitais e demais lexislación concordante e aplicable nesta materia.

VII. OBRIGAS DAS PERSOAS BOLSEIRAS

Sen prexuízo das demais obrigas e dereitos establecidos na presente convocatoria, a persoa adxudicataria dunha bolsa Santander Investigación terá que cumprir coas seguintes obrigas:

1. A persoa beneficiaria da bolsa "Iberoamérica. Santander Investigación" deberase **inscribirse** como tal obrigatoriamente na páxina: www.becas-santander.com **antes do 30 de abril de 2019.**
2. A persoa beneficiaria deberá **aceptar** a bolsa a través da plataforma habilitada no portal de bolsas www.becas-santander.com **antes do 10/06/2019.**
3. O seguro obrigatorio que o/a estudante seleccionado/a deberá contratar terá a mesma duración da bolsa e deberá incluír, como mínimo, as coberturas de: (i) falecemento ou invalidez permanente por accidente, (ii) transporte ou repatriación sanitaria de falecidos, feridos ou enfermos, (iii) gastos médicos e cirúrxicos, hospitalización por enfermidade ou accidente, (iv) responsabilidade civil privada. O beneficiario deberalle achegar á ORI a **copia do seguro contratado ANTES DO INICIO DA MOBILIDADE**
4. A estadía na institución de destino deberase realizar no período comprendido entre o 1/08/2019 e o 30/06/2020. A **duración mínima** esixida de estancia será de **2 meses para o PDI** e de **4 meses para os estudantes de doutoramento.**

5. Todos os bolseiros deberán autorizar a universidade para que lle proporcione ao Santander a través da páxina www.becas-santander.com e na ligazón correspondente ao programa, a información que este lles requira para estes efectos.
6. O alumnado de doutoramento adxudicatario da mobilidade deberalle remitir á ORI a copia da súa matrícula de doutoramento para o curso 2019/20 antes de iniciar a súa mobilidade ou no momento de renovar a matrícula.
7. As persoas beneficiarias deberanlle remitir á ORI un **certificado de incorporación debidamente asinado e selado pola institución de destino**, segundo o modelo do anexo III, no prazo máximo de 10 días tras a chegada ao destino.
8. As persoas beneficiarias deberanlle remitir á ORI un **certificado de fin de estancia debidamente asinado e selado pola institución de destino**, segundo o modelo do anexo IV, no prazo máximo dun mes tras o remate da estadía, así como un **informe final** redactado por eles, que especifique os resultados obtidos.
9. En todo caso, en todas as publicacións referidas aos resultados da investigación realizada, especificarase que a persoa investigadora foi beneficiaria destas bolsas.

VIII. INCUMPRIMENTO

A solicitude supón a aceptación da convocatoria e das súas bases. Calquera incumprimento da convocatoria ou das súas bases suporá a devolución da axuda recibida.

IX. PAGAMENTOS

1. O importe da bolsa aboaráo a UDC exclusivamente mediante unha transferencia bancaria a unha conta aberta a nome do/a bolseiro/a nunha oficina do Banco Santander en España.
2. Os pagamentos realizaranse en dous prazos: o primeiro prazo (80 %) farase efectivo ao recibir na Oficina de Relacións Internacionais a certificación de incorporación (segundo o anexo III) á universidade de destino; o segundo prazo (20 %) farase efectivo ao recibir na Oficina de Relacións Internacionais a **certificación do fin da estadía** (segundo o anexo IV) e o **informe final** da persoa beneficiaria.

O reitor

Julio Abalde Alonso

ANEXO I

SOLICITUDE

BOLSAS IBEROAMERICA - SANTANDER INVESTIGACIÓN
CURSO 2019-20

DATOS DA PERSOA SOLICITANTE

APELLIDOS _____ NOME _____

NIF _____ IDADE: _____ DATA DE NACEMENTO: ____/____/____

ENDEREZO _____ LOCALIDADE _____

PROVINCIA _____ CÓDIGO POSTAL _____

TEL. _____ CORREO ELECTRÓNICO _____@udc.es

CENTRO NA UDC _____

Comunidade universitaria da UDC: ☐ PDI ☐ Alumno de doutoramento

INSTITUCIÓN DE DESTINO PARA A QUE SOLICITA A BOLSA:

Institución de destino _____
Tempo de estancia previsto no destino: _____ meses (aprox. do ____/____/20__ ao ____/____/20__)

DOCUMENTACIÓN QUE SE ACHEGA

- ☐ currículo
- ☐ proxecto que se desenvolverá no destino
- ☐ copia do DNI
- ☐ certificado do Servizo de PDI (para PDI) ou matrícula de doutoramento 2018-19 (para estudantes)
- ☐ carta de invitación do centro de destino

Declaro que me inscribirei na páxina www.becas-santander.com antes do 30/04/2019.

Autorizo a que os meus datos persoais sexan cedidos ao Banco Santander para as seguintes finalidades:

- ☐ para os incorporar ao ficheiro do actual Portal de Bolsas Santander www.becas-santander.com, ou do que o substitúa, co fin de lle facilitar á persoa usuaria a información que necesite para os seus estudos e servizos en que poida estar interesada.
- ☐ para fins estatísticos, así como para o estudo da utilización dos servizos por parte dos usuarios, o deseño de novos servizos, e o envío de información técnica e operativa acerca dos seus servizos para que a persoa usuaria se beneficie de todos eles.
- ☐ para me enviar información sobre produtos propios do Banco, así como información institucional deste.

Infórmase a/o solicitante que os datos persoais recibidos e cedidos serán utilizados única e exclusivamente para as finalidades que autorizara.

A Coruña, _____ de _____ de 2019

Sinatura da persoa solicitante _____

SRA. DIRECTORA DA OFICINA DE RELACIÓNS INTERNACIONAIS DA UDC

ANEXO II (2 páxinas)

ACEPTACIÓN OU RENUNCIA

BOLSAS IBEROAMÉRICA - SANTANDER INVESTIGACIÓN
CURSO 2019-20

NOME E APELIDOS _____

DNI _____ ENDEREZO _____

LOCALIDADE _____ CÓDIGO POSTAL _____

PROVINCIA _____ TELÉFONOS _____

CORREO ELECTRÓNICO _____

☐ **ACEPTO** as condicións da axuda e declaro que me inscribín na páxina www.becas-santander.com, para a estadía na institución de destino _____

- Teño unha conta aberta ao meu nome nunha oficina do Banco Santander en España.

Nº de conta bancaria: _____ (é obrigatorio achegar o impreso de "solicitud de pagamento por transferencia" debidamente asinado)

- Teño contratado un seguro pola duración total da estadía

☐ **RENUNCIO** á axuda _____

A Coruña, _____

Asdo.:

OFICINA DE RELACIÓNS INTERNACIONAIS DA UDC



UNIVERSIDADE DA CORUÑA
CIF: Q 6550005 J
Rúa da Maestranza, 9
15001 A Coruña

**SOLICITUDE DE PAGAMENTO POR TRANSFERENCIA
E MODIFICACIÓN DE DATOS PERSOAIS E/OU BANCARIOS ⁽¹⁾**

I. DATOS DA PERSOA FÍSICA OU XURÍDICA ACREDORA		
NIF/NIE/CIF/PASAPORTE: ⁽²⁾		ALTA FISCAL PARA NOVOS RESIDENTES (NIE)
		☐ Declaro estar dado/a de alta no modelo fiscal 030 (NIE) ⁽³⁾
Nome e apelidos ou denominación social:		
Enderezo fiscal:		
Municipio	Provincia	
Teléfono fixo:	Móbil:	Correo electrónico:

II. DATOS DO/A REPRESENTANTE	
NIF: ⁽²⁾	Nome e apelidos:

III. DECLARACIÓN DA ACTIVIDADE EMPRESARIAL
☐ Declaro que a miña actividade empresarial está incluída na listaxe do artigo 95.6 do Regulamento do IRPF (retención do 1%) o cal se reflectirá na facturación que emita para a Universidade da Coruña.

IV. BAIXA DE DATOS BANCARIOS
Código IBAN
E S

V. ALTA DE DATOS BANCARIOS
Código IBAN
E S

CONSTANCIA DA ENTIDADE FINANCEIRA ⁽⁴⁾
Certifico a existencia da conta que se referencia en "V. Alta de datos bancarios" aberta a nome da persoa titular que se reflicte en "I. Datos da persoa física ou xurídica acreedora".
O/a apoderado/a
(SELO)
(Sinatura)

Ferrol, A Coruña, de de.....

(Sinatura)

(1) Calquera modificación posterior destes datos deberase formalizar mediante un novo impreso.

(2) Achéguese unha fotocopia do documento correspondente.

(3) Achéguese, se proceder, unha fotocopia do modelo fiscal 030.

(4) Esta constancia debe ser asinada pola entidade financeira, ou achegar unha certificación nun documento independente do propio banco.

BOLSAS IBEROAMERICA - SANTANDER INVESTIGACIÓN
CURSO 2019-20**CERTIFICADO DE INCORPORACIÓN**

Nome da institución de acollida:

CERTIFICA QUE:D./D^a:

Se incorporou á nosa institución con data:

Data de chegada_____
Selo e sinatura

Nome do/da responsable institucional: _____

Cargo: _____

REMÍTASE A:**Universidade da Coruña**
Relacións InternacionaisCorreo-e: outgoing.rrii@udc.es (campus da Coruña) ou riferrol@udc.es (campus de Ferrol)*Nota: este documento deberá ser enviado á institución de orixe coa data en que o/a candidato/a se incorpore, selado e asinado, nun prazo máximo de 10 días desde que se incorpore.*

BOLSAS IBEROAMÉRICA - SANTANDER INVESTIGACIÓN
CURSO 2019/20**CERTIFICADO DE FIN DE ESTANCIA**

Nome da institución de acollida:

CERTIFICA QUE:D./D^a:

Realizou unha estancia de investigación na nosa institución:

desde ____/____/20 ata ____/____/20
día/mes/ano día/mes/ano

Na Facultade ou Escola ou Departamento: _____

Data

Selo e sinatura

(Teña en conta que esta data
de sinatura non poderá ser anterior á
de finalización da estancia)

Nome do/a responsable institucional: _____

Cargo: _____

ENTREGUEN O ORIXINAL EN:**Universidade da Coruña**
Relacións Internacionais
O Lagar
Campus de Elviña
E-15071 A Coruña

PRAZO: MÁXIMO UN MES TRAS FINALIZAR A ESTANCIA